

食
抄
本
州

題
卷
三

十五

食物本草卷之十四目錄

獸部二 二類

野獸類一 三十六種

獅

虎

豹

猓

象

犀

犛牛

牦牛

野馬

野豬

豪猪

熊

薄辰

山羊

麋羊

鹿

麋

麋

麋

麋

麋

靈貓

狸

風狸

狐

貉

獬

獬

木狗

豺

狼

兔

山獺

水獺

海獺

膾肭獸

鼠類
十種

鼠

鼯鼠

隱鼠

鼯鼠

竹鼯

土撥鼠

貂鼠

黃鼠

鼯鼠

狷

食本草
猴類

五種

獼猴

狨

果然

猩猩

狒狒

諸肉有毒

解諸肉毒

食物本草卷之十四目錄

虎吞髓裂犀分象啖諸禽獸以氣吹之羽毛
紛落其乳人牛羊諸乳中皆化成水雖死後
虎豹不敢食其肉蠅不敢集其尾物理相畏
如此然博物志載魏武帝至白狼山見物如
狸跳至獅子頭殺之唐史載高宗時伽毘耶
國獻天鐵獸能擒獅象則獅雖猛悍又有制
之者也西域畜之七日內取其牙
開目者調習之若稍長則難馴矣

獅肉味甘辛熱無毒食之壯膽助神雄健威武屎服

之破宿血殺百蟲燒之去鬼氣

虎

一名大蟲一名山猫山獸之君也多山林處
皆有之狀如猫而大如牛黃質黑首錯牙鉤
爪鬚健而尖舌大如掌生倒刺以知鼻艱夜
視一目放光一目看物聲吼如雷風從而生
百獸震恐立秋虎始嘯仲冬虎始交月暈時
亦交不再交孕七月而生知衝破能畫地

奇耦以卜食虎噬物隨月旬上下而齧其首
尾其搏物三躍不中則舍之人死於虎則爲
候鬼導虎而行虎食狗則醉狗乃虎之酒也
聞羊角烟則走惡其臭也虎害人獸而蝟鼠
能制之智無大小也（獅駭）（晉耳黃腰）渠搜能
食虎勢無彊弱也（晉耳）似虎能食虎豹（世治）
則見駭狀如馬白身黑尾一角錐牙（渠搜）西
戎露犬也（黃腰）躬身狸首俱逐虎之獸也

虎肉味酸平無毒主惡心欲嘔益氣力止多唾食之

治瘡辟三十六種精魅入山鬼見畏之熱食虎肉

壞人齒正月勿食虎肉傷人神○李時珍曰虎肉

作土氣味不甚佳鹽食稍可虎骨味辛熱無毒治

邪惡氣殺鬼疰毒止驚悸治惡瘡鼠瘻頭骨尤良

又治筋骨毒風攣急。屈伸不得。走注疼痛。治尸注
腹痛。傷寒溫氣溫瘧。殺犬蛟毒。雜硃砂畫符。邪
煮汁浴之。去骨節風毒腫。和醋浸膝。止脚痛腫。脛
骨尤良。初生小兒煎湯浴之。辟惡氣。去瘡疥驚癇。
鬼疰。長太無病。追風定痛健骨。止久痢脫肛。獸骨
髓。咀頭骨作枕。辟惡夢魘。置戶上辟鬼。○蘇頌曰
李絳兵部手集有虎骨酒。治臂脛痛及腰脚不隨。
蓋以虎爲金。風爲木。木受金制。焉得不從。而病安
得不瘥。故曰風從虎。虎嘯而風生。自然之道也。所

以治風病。攣急屈伸不便。走注骨節。風毒癩。疰驚。
癰諸病。皆此義也。○汪機曰。虎之強悍。皆賴於脛。
雖死而脛猶屹立不仆。故治脚脛無力用之。○虎
骨用頭及脛骨。色黃者佳。凡虎身數物俱用。雄虎
者勝。藥箭射殺者不可用。其毒浸漬骨血間。能傷
人也。○凡用虎之諸骨。竝槌碎去髓。或塗酥。或酒
或醋炙脆用。威骨。虎有威骨如乙字長一寸。在脇兩傍。破肉取之。令人有
威。佩之臨官佳。無官則爲人所憎。膏主狗咬瘡。納
下部。治五痔下血。服之治反胃。煎消塗小兒頭瘡。

白禿血主壯神強志抱朴子云三月三日殺取虎

血鴨血等分和合以初生草似胡麻子取其實合

用可以移形易貌肚治反胃吐食取生者勿洗存

滓穢新瓦固煨存性入平胃散末一兩和勻每白

湯服三錢效腎治瘰癧膽治小兒驚癇疳痢神驚

不安研水服之晴治癲疾瘧病小兒熱疾驚悸狂

啼客忤疳氣鎮心安神明目去翳凡用之須酒浸

炙乾用虎魄凡虎夜視一日放光一目看物獵人

得之如白主驚邪辟惡鎮心○按茅亭客話云獵

石者是矣

人殺虎。記其頭項之處。月黑掘下尺餘方得。狀如
石子琥珀。此是虎之精魄。淪入地下。故主小兒驚
癇之疾。鼻治癲疾。小兒驚癇。懸戶上。令生男。○李
時珍曰。按河魚圖云。虎鼻懸門中。經年。取熬作屑
與婦人服之。便生貴子。勿令人及婦知。知則不驗。
此與古者胎教欲見虎豹。取其勇壯之義同也。牙
治丈夫陰瘡及疽癰。殺勞蟲。治獬犬傷發狂。刮末
酒服方寸匕。〔爪〕繫小兒臂。辟惡魅。〔皮〕治瘡疾。辟邪
魅。虎豹皮上睡。令人神驚。其毛入瘡。有大毒。鬚治

齒痛唐許遠齒痛仙人鄭思遠拔虎鬚令插之卽愈尿治惡瘡辟鬼氣療癰疽痔漏燒研酒服治獸骨髀。

○附方

治歷節走痛用虎頭骨一具塗酥炙黃槌碎浸酒內五宿後隨量飲之。

肛門挺出虎骨燒末日服方寸匕。

治小兒夜啼用大蟲眼睛一隻爲末以竹瀝調少許服之。

預知散。治健忘驚悸。用虎骨酥炙。白龍骨遠志肉等分爲末。日三服。薑湯下。久則令人聰慧。

治腰脚不隨。攣急疼痛。取虎脰骨五六寸。刮去肉膜。塗酥炙黃。搗細絹袋盛之。以瓶盛酒一斗浸之。燂火微溫。七日後任意飲之。當微利便效也。○又方。虎腰脊骨一具。前兩脚全骨一具。槌碎。安鐵床上。文炭火炙。待脂出。則投無灰酒中。密封。春夏七日。秋冬三七日。日飲三次。患十年者。不過三劑。五年上下者。一劑卽瘥。

治休息痢疾。經年不愈。取大蟲骨炙焦搗末。服方寸七。日三。

治痔漏脫肛。用虎脰骨兩節。以蜜二兩炙黃。搗末蒸餅丸梧子大。每早溫酒下二十丸。

治獸骨鯁咽。虎骨爲末。水服方寸七。極效。亦治惡犬咬傷。外敷內服。

治脾胃虛弱。不思飲食。惡心。以葱椒醬豉炙虎肉空心食之。

治反胃。虎脂半兩。青油一斤。浸一月。酒下一兩。

豹

遼東及西南諸山時有之狀似虎而小白面

圓頭自惜其毛采其文如錢者曰艾葉豹次之又西域有金線豹文如金線海中有水豹上應箕宿虎生三子一爲豹豹畏蛇與鼯鼠而獅駭渠搜能食之廣志云狐死首丘豹死首山不忘本也

豹胎至美爲

八珍之一

豹肉味酸平無毒主安五臟補絕傷壯筋骨強志氣

辟鬼魅神邪耐寒暑瘴厲冬食利人威健勇猛正

月勿食能傷神損壽○孟詵曰豹肉令人志性麤

豪食之便覺少頃消化乃定久食亦然脂合生髮

膏朝塗暮生亦入面脂鼻治狐魅同狐鼻水煮服

治夢與鬼交。及狐狸精怪。頭骨作枕辟邪。燒灰淋
汁。去頭風白屑。皮不可藉睡。令人神驚。其毛入人
瘡中有毒。廣西西南界有啖臘蟲。食死人尸。不可
驅逐。惟以豹皮覆之。則畏而不來。否則死尸頃刻
都盡。

獾

音陌。似熊而頭小。脚卑。黑白駁文。毛淺。有光澤。能舐食銅鐵。及竹骨蛇膽。其骨節強直。中實少髓。唐世多畫獾作屏。白樂天有贊序之。今黔蜀及我嶺山中。時有之。象鼻犀目。牛尾虎足。土人鼎釜。多爲所食。頗爲山居之患。人亦捕之。其齒骨極堅。以刀斧椎煨。鐵皆碎落。火亦不能燒。人得之。詐充佛牙。佛骨。以狂俚俗。○李時珍曰。按埤雅云。獾似熊。獅首。長

銳鬚卑脚，糞可爲兵，切玉，尿能消鐵，爲水，又有異獸曰嚙鐵，豺，昆吾，兔，皆能食銅鐵，亦類也。今并及之。嚙鐵，神異經云：南方有獸，角足大小，狀如小牛，毛黑如漆，食鐵而飲水，糞可爲兵，其利如鋼，名曰嚙鐵。唐史載川火羅進大獸，高七尺，食銅鐵，日行三百里。豺，禽書云：豺應井星，胡狗也，狀似狐而黑，身長七尺，頭生一角，老則有鱗，能食虎豹蛟龍銅鐵，獵人亦畏之。狡兔，拾遺記云：狡兔生昆吾山，形如兔，雄黃雌白，食丹石銅鐵。昔吳王武庫，兵器皆盡，掘得二兔，一白一黃，腹中腎膽皆鐵，取鑄爲劍，切玉如泥。

獾肉，味辛平。食之主削堅破積，皮寢之，驅瘟疫厲氣。

辟溼氣邪氣，膏治癰腫，能透肌骨。

膏以銅鐵瓦器盛之，皆漏，仍以

其骨盛，則不損。尿治誤吞銅鐵入腹者，水和服之，卽化爲。